

Na osnovu člana 90. Zakona o javnim nabavkama BiH („Službeni glasnik BiH“ broj 39/14.), a u skladu sa Odlukom dekana Građevinskog fakulteta Univerziteta u Sarajevu o odabiru najpovoljnijeg ponuđača za pružanje usluga: Fotokopiranje broj: 04-1-42-7-5/18. od 21.02. 2018. godine,

**Građevinski fakultet Univerziteta u Sarajevu, Ul. Patriotske lige broj 30, kojeg zastupa prof. dr.Mustafa Hrasnica, dipl. inž. građ. dekan (u daljem tekstu: Naručilac usluga)**

i

**“VEGOS” d.o.o. Sarajevo, ul.Patriotske lige br.30/I, kojeg zastupa director Goran Selimović, građ.inž. (u daljem tekstu: Izvršilac usluga)**

zaključuju

## **UGOVOR o pružanju usluga fotokopiranja**

### **PREDMET UGOVORA**

#### **Član 1.**

Predmet ovog Ugovora je pružanje usluga fotokopiranja za Građevinski fakultet Univerziteta u Sarajevu u 2018. godini, prema Odluci o pokretanju postupka javne nabavke usluga putem direktnog sporazuma (Plan JN za 2018.god: Usluge fotokopiranja – usluge 27, usluge fotokopiranja, JRJN 79521000-2), broj: 04-1-42-7-1/18 od 06.02.2018. godine i Ponude firme “Vegos” d.o.o. Sarajevo br. 030/18 od 15.02.2018. godine, evidentirana kod ugovornog organa pod brojem: 04-1-42-7-3/18 od 15.02.2018. godine, koje su sastavni dio ovog ugovora.

#### **Član 2.**

Usluga fotokopiranja obuhvata: fotokopiranje za potrebe nastave i dekanata velikih formata c/b, formata A4 i A3 u boji i crno bijelo, te uvezivanje u PVC spirale 06-16mm, 19-28mm, 32-51mm, fascikle manje i veće, printanje velikih formata CB linijsko (laser), te plotanje velikih formata CB/COLOR linijsko (Inkjet).

#### **Član 3.**

Mjesto izvršenja usluge fotokopiranja je u sjedištu Izvršioca usluga u ul. Patriotske lige broj 30/I, Sarajevo.

#### **Član 4.**

Ukupna cijena za predmetne usluge iznosi do 6.000,00 KM bez PDV i utvrđena je na bazi ponude iz člana 1. ovog ugovora.

Jedinična cijena je fiksna. Plaćanje se vrši na osnovu mjesečno ispostavljenih računa/faktura uz prilog: izdati nalozi za kopiranje od strane tehničkog sekretara Fakulteta. Plaćanje najkasnije u roku od 30 dana od dana ispostavljanja fakture.

#### **Član 5.**

Izvršilac usluga se obavezuje da će usluge navedene u članu 2. ovog ugovora obavljati savjesno, stručno i kvalitetno, u skladu sa zahtjevima Naručioca usluga, odredbama ovog ugovora, te zakonskim propisima i pravilima struke. U slučaju neadekvatnog obavljanja ugovorenih usluga od strane osoblja Izvršioca usluga, Naručilac usluge ima pravo zatražiti drugu osobu na tim poslovima, a Izvršilac usluge se obavezuje tom zahtjevu odmah udovoljiti.

#### Član 6.

Ugovorne strane mogu sporazumno otkazati ovaj ugovor, a svaka ugovorna strana može jednostrano otkazati ovaj ugovor uz otkazni rok od 30 dana od dana primitka otkaza. Otkaz se daje u pisanom obliku i predaje se drugoj strani neposredno uz potpis ili poštom preporučeno.

U slučaju jednostranog otkaza, Izvršilac usluge ima pravo naplatiti obavljene usluge fotokopiranja do dana isteka otkaznog roka.

#### Član 7.

Za sve što nije regulisano ovim ugovorom, primjenjivaće se odgovarajuće odredbe Zakona o obligacionim odnosima, a eventualni sporovi rješavat će se sporazumno. Ukoliko sporazumno rješenje nije moguće, nadležan je sud u Sarajevu.

#### Član 8.

Sve eventualne izmjene i dopune ovog ugovora, ugovorne strane će dogovarati, uz obaveznu pismenu saglasnost ugovornih strana.

#### Član 9.

Dobavljač nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

#### Član 10.

Ugovorne strane prihvaćaju prava i obaveze iz ovog ugovora što potvrđuju svojim potpisom. Sve eventualne sporove po ovom Ugovoru ugovorne strane će rješavati sporazumno, a u protivnom nadležan je Sud u Sarajevu.



#### Član 11.

Ovaj ugovor je sačinjen u četiri (4) istovjetna primjerka, od kojih svaka ugovorna strana zadržava po dva (2).

**NARUČILAC USLUGA**  
**Građevinski fakultet u Sarajevu**

DEKAN  
  
Prof.dr.Mustafa Hrašnića/dipl.inž.grad

**IZVRŠILAC USLUGA**  
**"Vegos" d.o.o. Sarajevo**

  
Direktor  
  
Goran Selimović, inž.grad.

Broj: 04-1-42-7-6/18.  
Sarajevo, 22. 02. 2018.

Broj: 038/18  
Sarajevo, 22-02-2018

